

選學膠言目錄

卷六

拔

廣闕上林不宜有東字

湖胡通用

漸臺泰液

郭舍人爾雅注

路與洛通

熒惑司命

杜業奏事

連卷

珍池

慚

惇信

吮

蛾古蟻字

拮隔

琅邪射雉

雉媒

葯

鷺當从鷺

如臯射雉

征有二義

行葦爲公劉之詩

尉邛

家音姑

祭古人墓

嘽與謙同

崔浩注

歲次

重耳單稱重本左氏

孝水

千秋亭

叔疑殺字之譌

三敗

曲峭

柏谷事異說

桃園

潼關

明年祖龍死

況于卿士乎五字

朝

宴燕同

子長

賜盡也

束蒲爲脯

山陵

錯字音

毛傳鄭箋李注不分

戾有劣音

仲宣樓

中謝

交

陽林當作陽木

王喬

飛錫

三幡義

四言

鮑昭

廣陵故城

三墳

澤葵

嚇

姪孫之惠校字

選學膠言卷六

錢唐張雲璈仲雅述

賦

拔揚子雲羽獵

成湯好田而天下用足李注引呂氏春秋曰湯見網置四面湯拔其三面雲璈按此見呂氏春秋異用篇作收其三面而東京賦慕天乙之弛罟下注引呂氏亦作拔字是當時所見如是恐今本呂氏誤也

廣開上林不宜有東字

武帝廣開上林東南至宜春鼎湖云云胡中丞云據

史文此下云西至又下云北繞又下云頗割其三垂
故何云卽指上林之三垂而言是也其東濱渭則曰
濱渭而東而已無所開廣亦無所割此句不得有東
字但李氏解三垂謂武帝侵西南東三方以置郡豈
所見漢書有東字與下濱渭而東相接連以上林不
僅有三垂耶然所解實未安

湖胡通用

鼎湖宮名在藍田漢書揚雄傳湖作胡史記封禪書
天子病鼎湖甚亦作湖日知錄二十七據揚雄傳以
湖爲誤故卒起幸甘泉而行內史界索隱以湖縣在

今之閬鄉絕遠且無行宮據顧此說賦中鼎湖當從漢書作胡東南之東字宜衍漢書無東字也梁氏史記志疑云史記及黃圖水經注皆作湖蓋古字通用如湖陵縣史漢多作胡陵風胡子吳越春秋作風胡可證又漢志京兆湖縣注云故曰胡武帝建元元年更名湖通典曰鼎湖卽此

漸臺泰液

營建章鳳闕神明馭娑漸臺泰液象海水周流于惺介集評云漸臺二字連上爲句泰液二字連下爲句雲璈按李注引漢書云云則漸臺卽太液池中之臺

通學脚言
漸臺泰液相連不宜分屬上下于讀未是

郭舍人爾雅注

儲積共侍李注引郭舍人爾雅注曰共具物也侍具
事也

今郭注作供
峙共具也

胡中丞云陳云爾雅郭注與所引

不同則知非景純矣下文移珍來享句又引犍爲舍
人爾雅注其說是也犍爲郡文學卒史臣舍人注二
卷見陸氏釋文敘例必犍爲二字各本誤改作郭雲
璩按郭舍人犍爲舍人自是一人

路與洛通

虎路晉灼曰路音落落纍也雲璩按路本有洛音古

與洛通如穀梁閔元年經洛姑釋文一作路姑史記
王子侯者年表洛陵漢表作路陵

熒惑司命

張晏曰熒惑法使司命不祥雲璣按漢書天文志熒
惑天子理也故曰法使斗魁戴匡六星四曰司命胡
中丞云法上當有執字熒惑或謂之執法見廣雅命
字不當有

杜業奏事

六白虎載靈輿李注引杜業奏事曰輶車駕白虎四
白虎馬名胡中丞云袁茶二本無奏事二字今此文

在漢書霍光傳注中云杜延年奏載霍光柩以輅車云云非杜業也宋孝武宣貴妃誄晨輶解鳳注所引云云亦在霍光傳然則當作杜延年奏曰耳各本皆誤也雲璈接近汪韓門太史文選理學權輿以杜業奏事列爲引用書目恐又誤中之誤也

連卷

騰虛空距連卷雲璈按上林賦欂櫨立叢倚連卷欂櫨危又淮南招隱士桂樹叢生兮山之幽偃蹇連卷兮枝相繚故張晏注以爲木也然此本言獸之騰躍距卽足距騰虛空而足有連卷之勢也恐未如張說李氏

引尚書孔傳以距爲至亦不確連卷與躡蹠蓋同

珍池

相與集於靖冥之館以臨珍池服虔曰珍池山下之池雲璈按山下自當有池亦想像爲說耳甘泉賦珍臺閒館臺曰珍臺池曰珍池其義一也皆言其貴重耳猶之乎靈臺靈沼不必指定山下

擗長楊

所過麾城擗邑注引顏監曰擗云云胡中丞云按顏漢書正文擗字作擗上引李奇音車幘之幘而解曰擗舉手擬之也蓋其字音義與左傳掀公之掀相近

善於此賦正文作擗與顏不同別引禮記注釋義字
林釋音乃所以改顏也傳寫者并顏注亦爲擗矣又
蒼頡篇曰擗拍取也八字非漢書注乃善引以證顏
者雲璈按八字當在善曰下

惇信

迺展人之所詘李注引方言曰展申也雲璈按今方
言作展惇信也東齊海岱之間曰展燕曰惇注惇亦
誠信貌戴東原太史云信兼屈伸誠信兩義故注言
亦以別之李注引之卽此義信伸古通

吮

吮鋌癢者胡中丞云五臣作吮雲璈按作吮是考字
書無吮字

蛾古蟻字

扶服蛾伏李注蛾服如蟻之伏也蛾古蟻字雲璈按
蛾之爲蟻見禮記學記其曰記曰者蓋古書有此語
其字固由來舊矣書史以蟻爲蛾者亦多春秋僖十
五年左傳曰蛾析謂慶鄭曰盍行乎釋文曰蛾魚綺
切後漢書皇甫規傳張角等皆著黃巾爲標幟時人
謂之黃巾亦名爲蛾賊注卽蟻字若前漢文帝紀建
昭元年八月有白蛾羣飛蔽日此則當如顏注若今

蠶蛾者張友棠孝廉以爲亦白蟻太泥

拈隔

拈隔鳴球韋昭曰古文隔爲擊雲璈按荀子禮論篇注引此作拈隔鳴球

琅邪射雉

潘安仁射雉

李注引射雉賦序曰余徙家于琅邪其俗善射聊以講肄之餘暇而習爲媒翳之事遂樂而賦之雲璈按西京雜記茂陵文固陽本琅邪人善馴野雉爲媒用以射雉是射雉之風盛於琅邪亦舊俗也

案其俗下脫實字

雉媒

徐注媒者少養雉子至長狎人能招引野雉因曰媒
雲璈按說文云率鳥者繫生鳥以來之名曰囹讀若
譌此卽所謂媒是也

葯

首葯綠素身拞黼繪注引方言曰葯纏也猶纏裹也
雲璈按方言作葯薄也郭璞曰謂薄裹物也葯猶纏
也是徐所引乃方言之注葯音的注作烏角切者亦
誤

鷺當从鷺

靡聞而驚無見自鷺注鷺音脈字亦从脈方言云俗

謂黠爲鬼脈雲璣按鬼脈亦見方言注方言卷一自
關而東趙魏之間謂之黠或謂之鬼郭氏云言鬼脈
也

脈舊作
眎誤

又卷十南楚以南凡相非議人謂之謫或

謂之𧈧𧈧又慧也郭氏云今名黠鬼脈徐所引正是
此詳方言或謂之鬼或謂之脈則鬼與脈隨地異名
耳謂黠爲鬼今吳越語猶然胡中丞云鷺當从鷺注
同徐音鷺爲脈字亦从鷺者謂鷺之或體字从鷺也
云方言脈者謂此賦之鷺卽方言之脈也云俗語黠
爲鬼脈者方言注云然也此必五臣用徐注改正文
作鷺後遂以亂善於是賦及注各本皆不見鷺字而